



民国文献资料丛编

近代华侨报刊大系

广东省立中山图书馆编

第一辑 第五册

SPM
南方出版社
广东番禺沙面出版



国家出版基金项目
NATIONAL PUBLICATION FOUNDATION

近代华侨报刊大系

第一辑 第五册

广东省立中山图书馆编

SPM

南方出版传媒
广东经济出版社

· 广州 ·

第五册目录

香山旬报 五·一

第八十三期（一九一一年一月十一日） 五·三

新宁杂志 五·八七

第一〇八期（一九一二年） 五·八九

第四期（一九一二年） 五·一八五

第四年第二十二期（一九一二年十月五日） 五·二七九

第四年第二十六期（一九一二年十一月十五日） 五·三六三

第五年第十二期（一九一三年） 五·四四九

香山旬报

郑岸父 李怜庵 编辑
香山旬报社 出版

广东省立中山图书馆藏

香山旬報

第八十參期

庚戌十二月十一日出板

每月參期逢一發行

第參年卅四號

香山旬報第八十參號目次

●論著

▲論撤換總董宜從學務現象着想 鐵公

●時評

▲駐美張使竟漠視華僑耶 民聲

▲城議董會何在國會期限已縮短矣 道實

▲我邑十字會今始成立耶 民聲

▲評東翹八鄉選舉自治社長事 又諷來稿

●小說

▲密約案

英勒克維廉著
中興譯

●文苑

▲和友人弔花阡韻 有癖

▲重陽日暮登高有感 勁夫

▲同作步前韻 植公

▲悲秋 石鄰

▲歸鄉感賦 石鄰

▲聞鐘 曉峰

▲殘燈 達公

●諸藪

▲代表團喪氣出京(劇本) 冷眼

▲呵呵笑(粵謳) 攻保

▲打多幾下(粵謳) 打喇

▲冬日短(粵謳) 應春

●牌批

▲縣批

▲省批

●新聞

●告白

名譽贊成員捐款彙登

(第十九次)

方煦周君五元(由域多利埠方幹謙劉錫二君經手滙回)

本社謹白

本社緊要廣告

啓者現值歲暮停工本報出至八十三期止俟明年正月十一日再行出板各代理處及閱報諸君務望將報費清交以資挹注倘若延欠不交明年即停止寄報仍追取欠費特此佈告

▲添聘訪員廣告

本報明年擬添聘恭都谷都黃梁都小欖大黃圃等處訪員數名如有願就者請先寄稿數次並將姓名居址示知以便函訂一切可也
庚戌冬日

本報社謹啓

廣 告

(一)

論 著

(二)



論 著

論撤換總董宜從學務現象着想 鐵 公

▲黃總董聽者

▲我邑學界諸公聽者

凡地方上公共事業。欲其美滿發達。必有統一機關以監督之。維持之。以催促其進行。而後各部之進行也倍速。故商務則有商會也。實業則有勸業會也。學務則有勸學所也。此皆所謂統一之機關也。機關不良。則整理之手段必缺。整理之手段一缺。則各部之精神不振。譬之樹也。欲暢茂條達。而不知培其本。譬之水也。欲其渟泓洋溢。而不知濬其源。而欲枝之繁流之遠也。是烏乎可。一事然。事事何獨不然。此吾縱論邑事。而輒歎統一機關廢弛之所致矣。吾邑人也。吾邑中學界之一人也。請言邑中學

務。邑人思之。主持邑中學務統一之機關者誰歟。非勸學總董乎。今爲勸學總董者誰歟。非黃紳其人乎。黃紳爲勸學總董。已三年於茲矣。其爲人也。柔弱寡斷。而非有辦事之才也。篤於所親。而非能知人善任也。枉法徇私。而非能除惡務盡也。積其種種原因。任職三載。而遂成今日學務現象。（現象若何邑人類能言之且迭見本報故不贅述）敗壞而不可收拾。語其一年所得之成績。勸學總董也。則支六百元矣。勸學員也。則支三百六十金矣。其他耗費於有意無意之中者。更屬不貲。要而言之。年耗我邑數千金之鉅款。而實無一事可辦而已。嗚呼。總董非人。勸學所之無用如此。而全邑學務之不振也又如彼。黃紳乎。將何顏以坐受薪金乎。將何顏戀棧。以見我邦人諸父乎。本報有見於此。時著論以忠告之。睽之忠告之意。亦不過一方督促黃紳之實力整飭。以圖學務之進境。一方喚起邑人之急起干涉。以謀學務之轉機。乃言之諄諄。愧之渺渺。總董之腐敗也如故。邑人之坐視也如故。忽忽數載。始有陳某等「總董期滿理應更選」之

論 著

（三）

論 著

(四)

言。記者不必以陳言爲非。然一邑學務之衰落。至於此極。總董實不能辭其咎。而僅欲以期滿改選。爲黃紳遮羞地步。大非維持學務之心。記者所不敢贊同者也。

吾揣陳等改選總董之請。其用意不過二端。其一則以總董非人。欲借期滿之說以去之也。其一則心本無他。以爲總董滿期則應改選也。後之一說。僅注意於總董更換之問題。無研究之價值。前之一說。措詞雖婉曲。而隱寓維持學務之意。其說似未可厚非也。細按之。則流弊滋多矣。諸君再思之。凡人受主人之傭金。而有遺誤主人之公事者。莫不有相當之責罰。勸學總董者。即受邑中學界之傭金也。整頓一邑學務之責任。該總董應不能卸其責。誠如學司批所云「該邑學務該總董應負責任」之言也。乃彼一味疲玩。放棄職守。恬不爲怪。以正理論。實應聲罪致討。宣告學界以去之。以爲溺職者罪。以爲後起者戒。乃陳等之請改選也。不曰總董非人。而曰總董期滿。使總董期滿而更選。何煩陳等之陳請也。使陳等以總董非人而

去之。何爲而委婉其詞也。吾邑學務之墮落。陳等當亦知之。吾邑學務之墮落。由於總董之放棄。陳等亦無不知之。若陳等言。徒斥斥然於期限爲請。是總董之去留。全以期限爲進止。而不以學務之成績爲進止也。名之不正。言之不順。記者輒有隱憂。又何必紛紛陳請改選。如此其不憚煩耶。卽能改選。而人皆以總董爲利藪。尸位三載。舍之而去。絕無何等之責任。而邑人何貴有勸學所耶。而或者曰。陳等非不欲明正其罪以去之也。以爲黃紳在邑中。亦一忠厚長者。不欲決絕以出之。若然。則爲私情計則是。爲學務計則非也。吾言至此。吾不欲言。

過澳旅客提防

弟乃香山人也。現在香港先施公司顧工。前于九月廿八日由港返鄉。路經澳門投宿如意客棧二樓。開字房安置行李。妥當是晚。出街一行。及返房見行李紊亂。十分驚異。立即檢點。失去皮急袋一個。內并衣物共約值銀半百有奇。登時聲叫起來。報知棧主。彼所謂司理者支吾應對。棧件各相窺覷。並不力代追尋。後聞人言。此棧旅客向多被竊。非弟偶然。想二樓居中。且有棧件看更。諒非外賊。似由彼輩串同作弊致耳。復思旅店謀竊害實駭人。故特警告來往諸君。以弟前車當鑒。幸勿再受其所愚焉耳。

香江先施公司高劉全白

三一

論 著

(五)

時評

(六)



駐美張使竟漠視華僑耶

民聲

政府日日言保護華僑。而各省疆吏。對於歸國僑民爲地方劣紳所構陷者。恆不能昭雪之以盡保護之責。如邑人徐桂至今猶滯獄中是也。政府日日言保護華僑。而遇外人虐待僑民。恆不能據理力爭。如今美國醫生欲藉勾蟲及血毒蟲症問題。爲杜絕華人入美之秘訣。而各報載使臣張蔭棠不甚理會。是也。

查勾蟲及血毒蟲症。始發明於英人。本屬輕而易治之症。且能否傳染。尙不可必。而美國港口醫官。恃此苛待華人。經黎領事移文駁詰。而該醫官答覆。諸多推託。其詞窮理屈。已可概見。張使自應切實交涉。研求善法以杜後患。奈何竟腦後置之也。豈張使自視其職守轉不若一黎領事耶。雖

然。失之東隅。收之桑榆。未爲晚也。張使勉諸。

城議董會何在國會期限已縮短矣 道 實

宣統五年召集國會之明文已見矣。豫備立憲各事應提前辦理矣。而有國會熟者。尙奔走呼號。冀達其即日召集之目的。而邑城議董會計期今年九月成立。已踰數月。竟影沒聲沈。邑人腦海中。已忘議董會三字。豈非咄咄怪事。

城議董會不能成立之故。由劣黨串舉一控案纍纍不治輿情之繆慶榮爲總董。以致告訴紛起。而官吏復不能破除情面。專事因循。有以致此。雖然。官場辦事。以宕延爲無上計策。何足多責。惟邑城中人亦漠然視之爲可怪耳。

或曰。議董會成立。豈真能爲地方興利除害乎。子奚斷斷於是。則答之曰。西哲有言。野蠻之法。猶勝於無法。信如是說。姑勿論議員稱職與否。而邑城應有一全完之自治機關。

時 評

(七)

時評

我邑十字會今始成立耶

(八) 民聲

我邑素無救傷隊之設。一旦有事。相顧無策。自前歲經旋風之鉅災。始有提議開辦十字會之議。久之不就。而不料今日始成立也。

省城地段遼闊。十字會林立。各處有變。會員皆奔走來集。救活者無算。語其效果。不可盡述也。而省城十字會之歷史。則有至可詫怪者。吾特言之。以爲我邑之倡辦諸公勉。

省城原有中國赤十字會。因會員不睦。互相分離。於是再創一赤十字總會。久之而總會內亂矣。又久之而中國赤十字會又內亂矣。紛擾兩載。而今得稍事整飭。吾不敢謂諸公爲覆轍相尋。然彼赤十字會過去之歷史。其凶惡有如此。諸公卽不至是。而堅持忍耐之力。仍當日以相勗也。

今者十字會已開幕矣。各部之辦事員。苟能得人。以慈悲之心。力任厥責。吾知邑人之受賜者不少也。吾謹三薰三沐。爲詞以祝之曰。香山赤十字會開。香山同胞皆大歡喜。

評東翹八鄉選舉自治社長事 又諷來稿

近年邑中各社團選舉之事。往往有一二惡劣之徒。素爲社會所不齒者。出其神通廣大之手段。百般運動。以攫取社團中之一席地。而一般之選舉人。又往往不辨黑白。不問是非。如醉如夢。率意盲從。彼則搖尾乞憐以求其選己。此則喪心病狂以舉之。於是有舞斷鄉曲。聲名狼藉之士棍。昂然出現於社團之上。如邑城之選舉議董會。紛紛攻揭。纏訟至今。是其確例也。曾幾何時。蒿目東瞻。乃復有東翹八鄉選舉社長之怪現象。

東翹自治社之選舉也。據吾所聞。八鄉之人不得各舉其本鄉之人。而舉他七鄉之人。其舉八人爲社長。此公開制也。後由當選者。再選一人爲社長。此複選制也。今姑不究其是非。試問選舉者不得舉本鄉之人。果持何種法理乎。夫自治之制。起於人民有保衛其地方財產之觀念。乃合而組織一公共之法團。爲地方興利除害。夫然後因自治而有選舉。是故選舉人之對於被選人。必擇其最信用。最名譽。與地方最有關係者舉之。此選舉之

時 評

(九)

時評

(十)

定則也。今乃立一例曰。你毋舉本鄉之人。你舉他鄉之人。豈非壓制衆人之選舉自由乎。無他。彼等欲避串舉之名。而陰行串舉之實。故逼而爲此耳。然則今日所選之正社長。爲鉅惡。爲大奸。又何足怪者。嗚呼。東翹自治社之設立。於茲三年矣。開幕伊始。濫費數百金。戒煙會甫設。而社長私售煙照。是以設社以來。一事不辦。惟彼輩所視爲驚天動地之偉畫。則鄭發築圍之際。聚衆辱官之一事耳。至今糜費公款。一敗塗地。何莫非若輩之賜耶。然惡劣盤據社內。何時不利用地方之有事。而藉以開消訟費。彼自爲計。則誠得矣。獨惜八鄉之人。竟任惡劣者倒行逆施。而復推戴之爲領袖。恬不知怪。是則可悲耳。

林春芳醫生
李占芬女士
統理內外割補全科

黃色補血丸
即截發冷丸

消積肥兒散
拔毒生肌膏

靈驗名藥
志在揚名
冬節減贈
價甚相宜

館在石岐花王巷開張

三二一